

2 Pedro

2 Pedro Tyyriti

1 ¹Jiarĩ, Simaõ Pedro, Jesuisi Kristu deòdu rare. Jesuisi Kristu rybemy rybedu rare. Warybe ritina rewahinyre ityhydỹdu mahãdu-ò, Deuxu ywisiidỹna mahãdu-ò, Jesuisi Kristu inyтарасadu òbitina òraru-ki, inatyhyna inyboho ijòdirenyreki. ²Ruxetòena wiòhedỹna-wana adeereny kanakemy watxireri Deuxu erydỹna-ki, Inynyrỹ Jesuisi erydỹna-ki. ³Tahe Deuxu rurutyhy-ribi inydeereny aõna aõna sòwemy riwahinymyhỹre òbitimy inyboho rokoirekemy iny bededỹnanareny-ki. Tii inyboho ridyrenyre taloosòna òbitiwo-ò, tii inyboho rieryrenytyhyreki. ⁴Tai inydeereny tuu rarybere, sòwemy aõna aõna kanakemy awityhymy inydeereny kia rybe rare. ⁵Kia rybe bityhynybenykeki, bede aõmydỹnana bina-ribi bexitabenyke, òta òta widỹna-ribi bexiebenyke. Tule Deuxu rayky wesena-di urihimyo boibeke. ⁶Tai tahe ibutumy aruru-di marurunyke aityhydỹna-ò òbiti widỹna bibutumyke, kia-ò bedeerydỹna bibutumyke, kia-ò ixiwedudỹna bibutumyke, kia-ò widỹnahyyna, kia-ò òbitimy nonana. ⁷Kia-ò ityhydỹdu seriòre luuna, kia-ò wiluuna bibutumyke. ⁸Kia aõna aõna dori awo-ki ratximyhỹkeki, rexiòlònykeki, arawiòhenanykre Jesuisi Kristu Inynyrỹ bierybenykemy. Tai ityhydỹdu wihikỹmy boibekemy. Iny witxira biwiòhenanybenyke. ⁹Kia aõna aõna inywo-ki ratxiòmyhỹkeki, tii heka iruetàlemy ihỹre. Aõbo iòhòmy ratxirerilemy robimyhỹre. Juhu òraruna iribi risuhoremey idi tòhòti rosare. ¹⁰Tai waseriòreboho marurunybenyke atyhymy boibekemy, aityhydỹna tyyhydỹmy boibekemy. Tai tiu òraruna-txi aixeõna. ¹¹Kia wesekeki tahe deysana-di birònybenykre Jesuisi Kristu inyтарасadu òlòna bede-ò.

¹²Kia aõna aõna teerytenynte. Inatyhyna tetyhynyhy atximahãtenynte. Ihãrele tahe itxi aròhòtijiradỹnyhyrenykre. ¹³Tule warumy mahãreu, awimy idi rahòtynmahãre kia inatyhyna-di akanaxixadỹnydenykemy. ¹⁴Waumy dori kaki ele elelemy aririkre reeryre. Inynyrỹ Jesuisi Kristu dori kia wadee diteòsinyde. ¹⁵Aõu aõu tahe ararurunytyhymy ararekre kaiboho kia ibutumy òhòti-ribi rosaõtyhykemy. Tule warubuhewo-ribi kia-di mohòtynyhy boibekre. ¹⁶Tahe adeereny Jesuisi Kristu themynynamy rarybereu, aõ uritere tere

ijyymy aõkõ heka relyyreri hãbu ijyyna-ribi aõkõ ijyityhymy. Inyboho dori iny iðlõreny loosõnatyhymy robimyhÿrenyre. ¹⁷Tii dori Deuxu inytyby-ribi loosõna wowydyna-wana ritare. Tuu Deuxu loosõnawo-ribi narybede: Kai heka Warriõre waluu tate. Jiarÿ reysamy watzireri adee. ¹⁸Kia rybe-ð jiarÿboho raholarenyre tii-wana hãwãlõ raty tyre-ki roiremyhÿ. ¹⁹Iwese juhu rybemy rybedu mahãdu rarybere wese, kiamy heka wiji inydeereny ritÿnynymy roimyhÿre. Kaiboho tule kia-ð bohohamahãbenyke bityhynmahãbenyke. Iwese iny loosõna-di bedeluru-ki, retehemyhÿre wese. Idi tahe Kristu kòdòhònykre, iwese tainahakÿ ròhònyre wese. Tahe aworeny-ki kanasÿnykremy ratxikre. ²⁰Kia heka juhuhu bierykre: Tyyritirybeõ tiu ixiwanalety ritÿnydyÿnyõtÿy. ²¹Deuxu rybe dori hãbudeewimy aõkõ heka nade juhu Deuxu Tyytybytyhy hãbu dee rybe ritÿnynyre aõmybo rarybekemy.

2 ¹Iwese juhuhu iny-ki rybedu inatyhyõna rarybere wese, tule ayreny-ki rybedu inatyhyõna kidierydyÿnykremy. Tiiboho kedeerynanykre aõbinabinahãkÿmy. Tiiboho kidiitxenanydenykre. Tule Inynyrÿ kidiseõnykre. Tai tahe aõwesele rexihukre. ²Sõwemy iny iõta òta erydyÿnyra rityhynykre. Tai iny wixira inatyhyõna ery dee ibinamy rarybekre. ³Kia rybedu inatyhyõna adyna-di ratxihymy roireke tai adeereny raruimyhÿke. Anieru tarasanareny-ð. ⁴Iatysyna heka iðhõmy namahãde tule idi dehuna inatyhymy kòdòhònykremy ihÿre. Ýju mahãdu raðrarunyre Deuxu tõtxi ririõlemy reare tahe idi rehulemy reare bedebina heõtÿ-ð. ⁵Iu bee-di Deuxu suu ritÿmynyreu, òrarudu mahãdu ituere Deuxu tõtxi ririõre. Noe, òbitina rybedule, ritare debð inatxi reurð iny-wana. ⁶Sodoma hãwã Omora hãwã-wana aõwesele Deuxu ritoonyre, raðrarunyreki. Brybemy relere. Tai heka iny ribedeerynymyhÿre òraru lau. ⁷Kia hãwã-ribi heka Lõjoi sohojile ritare. Lòð òbiti rare. Tii heka terare òrarudu mahãdureki. Tõtxi ririõhyre. ⁸Imahãdu-ki Lòð rasÿnyreu, txuõ txuõlemy iwo rabadewotyhyhymyhÿre, aõbinawidÿmybo robire idi roholareki. ⁹Tahe òbiti widÿÿdu urihixina-ribi Inynyrÿ ridykemy rierymyhÿre. Tule ibinamy widÿÿdu mahãdu aõhòkÿmy dÿÿnana riraõmyhÿre. Ywisidÿÿnatxu kedehemynykreð. ¹⁰Ibutu ratyre urari òta òta widÿÿdu mahãdu aõhòkÿmy rotÿÿnykre. Tiiboho Deuxu ruru riseõnyrenymyhÿre. Ixi-di xiwededu wesemy rÿirenyre, ixiluudu wesemy rÿirenyre. ¹¹Aõbinahakÿlemy biuludu mahãdumy rarybemyhÿrenyre. Tahe ýju mahãdu iruruna ratyre-di hãre tamy ibinamy rarybeõmyhÿre, Deuxuko-txi. ¹²Tahe kia iykaraluu mahãdu iròdu deborehekÿ wesemy ratximyhÿre. Iròdu debore tahe bedehuduna widÿÿmy rare ada ròtenawo-ð rakelemy. Kia hãbu mahãdu aõmybo ròeryõhyymyhÿre dee ibinamy rarybemyhÿ. ¹³Tiiboho ixi-di dehuna-di ixi dee kedexiixãwinykre. Tiiboho òraru luumyhÿre txumy dori raðrarunrenymyhÿre. Awanareny dori riroximahãre, aõbinahakÿtyhy wesemy ayreny-ki ratximyhÿ iòrarunarenymy rybe luureki. ¹⁴Tiiemy iru hãwydyhy retehemy ihÿre tamy òta òtalemy ròhòtinymyhÿre. Kia hãbu hãwydyÿweduna rierymyhÿre. Hãwyy urihimyo tÿÿwekeki kia hãbu idyna rybe-di rierymyhÿre hãwyy-di aõbo tai riurariny tãbirenareny rihdyÿÿnymyhÿre aõbo tai riurariny idi ratximyhÿre. Tiiboho tuedena nihikÿ-di ituerenykre. ¹⁵Òbitiry

ririmyhÿrenyre. Reòsamyhÿrenyre. Balaaõry dori riheludunymyhÿrenyre Balaaõ, Beoro riòre òraruòwydÿÿnamy ritakemy ratxireri òraru luureki. ¹⁶Aõbinahakÿ riwinyreki rexiòwinyre. Kiamyre heka. Jumenta wesena rybeteremy tamy rarybere inyrybe wesemy iitxÿtena-ribi riixãwidinykemy. ¹⁷Tiiboho bedidehuna wese roire bee ihoõreki. Yhy biuwetyy tiò ridymyhÿre wese kia hãbu mahãdu roire. Tamy bede luruhukÿ bede riyrubunymy rÿire. ¹⁸Tiemy taòrarumy rarybehymy raremyhÿ inyõ aòta òta rybe-di ridykemy. Inyõ deòsary-ribi ròhònykeki, tii ridylemyhÿre ixybyle òraruna-ò. ¹⁹Tamyreny rarybemyhÿre ixideewimy boibekemy. Urile irybedureny òrarunawidÿÿna deòdumy ihÿrenyre. ²⁰Iwese inyõ ijjesuna-ribi riatymyhÿkeki, iatysydÿÿdu deòdumy rarekre wesemy. Kiawesele tahe òraruna rare. Inyõ bede aõmydÿÿnana òraru-ribi ròhònykeki, tahe ixybyle ròðsekeki, teleu raremyhÿ ratyre ikonanau ratÿÿnykre. Inynyrÿ Jesuisi Kristu dori tii rierymyhÿre juhuu tahe idi rexideyresanyre kia aõmydÿÿnana òraru-ò. ²¹Tiiboho ryòbiti rierymyhÿrenyre. Tahe bede ywina òbiti-ribi rexiòlòdÿÿnyre. Rieryòhykeki tamy wimy tuu raremyhÿ, rytÿmyra erysy-ribi rohonyrenyreki. ²²Tiiboho kia rybedÿÿna hitxina wesemy ihÿrenyre: —Jjòrsa tahylòina-ò ròðsere. Tule ijò rybedÿÿna wesemy: —Ixÿni bedi risuhòkeki, tii tasu burena-di ixybyle rexisunyke.

3 ¹Kia, waluuna mahãdu warybe ritidÿÿna juhuludu aõkõ rare ihewoludu rare. Warybe riti wiwanadile anohòti ijiradÿÿmy watxireri anohòti riraixixanykemy. ²Deuxu rybemy rybedu òbitimy rarybemyhÿre òhòti-ribi rosaõkre, tule Inynyrÿ iny tarasadu bede ywina nohòti losaõmy iwese tarybe deòdu adeereny rierynanyre wese. ³Ibutu ratyre, kia-ribi nohòti losaõmy. Ikonana txuu hãbu binahakÿ rybe binatyhy-di kòdòidenykre. Kia hãbu òta òta widÿÿlemy ròhòtinymyhÿre. ⁴Kiamy hãbu rarybekre. Tiubo Jesuisi Kristu nonana kanakre. Juhu inytybyreny ituereu wiji bededÿÿnanau tiu naõhyymyhÿde. Ibutumy heka juhu bedeu ixi wese hyylemy bede roimyhÿre. ⁵Iribi tòhòtirenny rosare ixideewimy Deuxu irybedile biu bede-wana riwinyre. Beribi riwinyre, bedi riwinyre. Iribi tahe bedi bede rahure. ⁶Bedi juhuu bede ibutumy rexihura. ⁷Tule wiji irybedile bede rÿimyhÿre. Tahe ixybyle kanahukre. Heòty-di kanahukre. Kia txuu ibutumy inybinahakÿ ituekre kia-ribi ixideewilemy kia hãbu tòhòti rosare.

⁸Tahe aõsohojibo, waseriòreboho, nohòti-ribi loosarenymy. Kia heka rare: Inynyrÿ dee. Txusohoji 1000 beòra wese heka rare. Tule 1000 beòra txusohoji wese rare. Tamy bededÿÿnana aõ aõkõ rare. ⁹Inynyrÿ tarybewesele aõna aõnamy kodotÿÿnykre. Aõ raroorehenymyhÿre aõkõ rare urile tahe hãbu riraõhyymy rÿimyhÿre hãbu taòraru-txi tòhòti reakemy. Ibutumy tarasana-ki rÿikemy dori idi ratxireri. ¹⁰Wasidu namyhÿde wasimy Inynyrÿ txuu kòdòhònykre. Biuwetyy, bede-wana rexihukre. Ibutu suludu heka ramyijy heòty adÿÿwesemy ritxienykre. ¹¹Òbitimy rakatxirenyke. Kia ibutumy ròhònyreki. ¹²⁻¹³Inyboho heka riraòmyhÿrenyre biuwetyy tÿmyra sutÿmyra-wana. Inynyrÿ dori rarybere kia kidiwahinykremy.

¹⁴Tai heka waseriòre waluuboho, òbitimy atximahãbenyke kia-ò dori teraòmahãtenyete. Tii kanakreu umyreny robikre ywimy, òbitimy, inyõ heka umyreny ibinamy rarybeõtyhy. ¹⁵Rexiroorehenymyhÿre ibutumy iny tarasanarenymy. Tule inyseriòre Paulo adeereny ròritidÿÿre ibede eryna Deuxu tamy riwahinyre. ¹⁶Kiamy tule aõna aõnamy tii ròritidÿÿre. Tahe iritina-ki aõbo isiratyhyre ierykõnatyhymy roire òbiti mahãdu aõkõ kia rybe-di aõwitziramybo rierynanymyhÿre. Iwese ijõ Ryberiti-di riwinyre wese. Tai heka tiiboho ituereny. ¹⁷Kaiboho tahe waityhydÿÿdu seriòre bexihãrubenyke ilau teòsana-di aradyrenyheny. Tai kaiboho beòsabenyke. ¹⁸Inynyrÿ Jesuisi Kristu wiðhedÿÿna-di ibedeerydÿÿna-di maumynybenyke. Wowydyna ibutumy tamy kanakemy idi wãhãre wiji tyhymy rareke. Kie.